



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 96-сса шин.

12+

«ЗАРЯ»

Нюжмар
4 октябрь
2019 ш.

№ 41

www.zaria-online.ru
gazetazary@mail.ru

5 октябрь - Учительнал кьини

Х1урмат бусса учительтал!

Вана дурк1ун дуняялий яла х1урматраймину ккалли хъанахъисса, ялун нанисса никиран к1улши ва к1улши-вуртту лахъхъин дувултрал, яни Учительнал кьини.

Жунма аьщуйн шуну ч1алай бур, ларайну дуккаву дурминнал, элму лархъхъу-миннал, элмулийну, дуккав-рийну цала пишалул пагъму итхъяххан бувминнал сийгу, оьрмулул даражагу, дуня-яллул неъматиртга неъмат ласавугу кьадурминнаяр бюхттулну бушиву.

Гьаманки, мина ми ххазинартту оьрмулуву бачин баврил хъхъич1 -ххуттаву ур Учитель. Учительная хъарну, мунал пишалул магьиршивруц1ун дарх1уну дур оьрч1ан дуллалисса к1улши-вурттал дущин, тарбиялул, мяърипатрал ва узданшиврул луртан.

Учитель! Вил пиша яла дак1 лахъи дан, ац1аву дакъа зун, пагъму-гьунар аьлттуу ч1алач1и бан багьлагьимурди.

Цанчирча, учитель дахъва оьрмулул ххуттавул бухла-химиннал гьарцагу журалул к1улшивурттал бак1щара-щая нах1ала бан, миннаву ас-намусрал, Буттал улча ххирашиврул, буттал -бутта-хъбал ирс буруччаврил асарду, патриотшиву тарбия даври.

Х1урмат бусса учительтал! Райондалул каялушиву дуллалима х1исаврай, тту-



ч1а зул х1урмат хъинну хъунмассар, зун яла язими т1ит1аларду ч1ат1иссара.

Жула школарттай дуккаврил качество ларай данса шарт1ру дузал дан, ми ц1усса технологиярттал ва аьркинмунил щаллу бан, чанссагу ххуйсса даража-лин буцин райондалул администрациялул х1арачат буллалиссар ва гихунмайгу бант1иссар.

Мунишала хъунмасса барчаллагь т1ут1иссара жула оьрч1ал дуккаврил ва тарбиялул даража лавай бан дак1нихтуну зузисса учи-

тельтурахъ. Мирив жуч1ава кьачанссар.

Дак1нихтуну барча буллау ура, зу цинявпагу райондалул учительтал, бусравсса пишалул байрамрацал - Учительнал кьинилуцал!

Ч1ат1ий ура зун зула зах1мат дувзайн буклакисса, пишалул, зува тарбия бувминнал ххари буллалисса, талих1рал ва ц1улушиврул кьяхъат1исса оьрму, ч1ярусса шинну, кулпатирттаву талих1 ва т1айлабац1у.

Ю.Х1.Мах1аммадов,
«Лакрал район» МР-данул бак1чи.

Ххирасса учительтал, дуккаврил зузалт, педагогикалул ветерантал!

Цумур замана ласурчагу, учительнал пиша яла бусравмурну, барчаллагьраймурну, ах-1валданул, маэшатрал аваданмурну бик1ан аьркинссар.

Цанчирча му бувгуну ур жаваблущин хъуннасса, магьиршиврул дазу-зума дакъаса, бигъа бакъасса пиша. Муния зуяту т1алав буллау бур хъунмасса пагъму, дак1нивусса гуж, ч1ун ва ссавур, марц1шиву ва т1айлашиву.

Гьарца кьини зу битлатисса ххуллу - му ялун нанисса никикрал кьюк1ич1ансса, к1улшивурттал бак1щаращая нах1ала бан лахъхъин буллалисса ххуллури. Зул пишалу-ву дуссар дак1нил алвагьшивугу, бюхъу-ба-

жарданул хасъшивурттугу.

Ва пишалул кьинилуцал зул ялун ч1явусса ххуй-ххуйсса асарду, ххаришивуртту ва хъинбаларду бияннав. Зушала зузиминнал, зува дарсру дихълахъиминнал барчаллагьирттал, барча бавурттал ххари буллау гьаннав зул оьрму.

Райондалий дуккаврил даража лавай бан чялиш бувксса, пишалул магьиршиву ккаккан дуллалисса, оьрч1авун дуккаврихсса гьира бутлатисса учительтуран дазу дакъаса барчаллагь, ц1улушиву, талих1 ва тирханну.

Явсуна Х1амзаев,
УО-рал начальник.

«Лакрал район» МР-данул администрациялул х1укму

Къатри гъили бай ч1ун дайдишаврия

25 сентябрь 2019 ш. №256-р

Лакрал райондалийсса учреждениерду ва организациярду 2019-2020 шиннардил ссутнил -к1интнил ппурттуйн х1адур бавриц1ун бавх1уну:

1.Къатри гъили буллау байбишайсса ч1ун дайдишин 2019 шинал октябрданул 15-ний ва гъили буллан 2020 шинал апрельданул 15-нин.

2.Гъумуксса «Дагъэнерголул» РЭС-рал начальник З.Н.Х1ажиевлун маслих1ат бан, райондалийсса цайнна дагъансса циняр къатри ва инсантал яхъанахъисса шяравалурду дац1аву дакъа электроэнергиялул щаллу бансса чаранну ккаккан.

3.Ва амру бищун райондалул «Ххяххабаргъ» кказитрай ва Лакрал райондалул сайтрай:

4.Ва амру биттур баврил ялув ац1ан тапшур бан «Лакрал район» МР-данул администрациялул бак1чинал заместитель А.И.Къажлаевлуйн.

Ю.Х1.Мах1аммадов,

«Лакрал район» МР-данул администрациялул бак1чи.

«Лакрал район» МР-данул

депутатътурал собраниелул х1укму

«Лакрал район» МР-данул учреждениерду ва организациярду ссутнил -к1интнил ч1умуйн х1адур баврия

26 сентябрь 2019 ш. №154

«Лакрал район» МР-данул СЖКХ МКУ-рал ва аьмсса за-казчикнал кьуллугърал директор Рамазанов Юсуп Х1ажидавудлул арснал отч1трах вич1и дирхъуну ва му ххалдиргъуну, депутатътурал собраниелул х1укму бувнини:

1.Райондалийсса учреждениердай ва организациярдай каялушиву дуллалиминнал ми учреждениерду ва организаци-ярду пачру лахъай сезондалин х1адур дуллау щаллу дурсса давуртту рязи хъунсса ккалли дан.

2.ОАО «Дагъэнергосетьрал» Гъумуксса РЭС-рай (райондалул энергосетьру) каялушиву дуллалиминнал (З.Н.Х1ажиев) маслих1ат бан цайнна багъайсса циняв объектругу, райондалул агъалигу 2019-2020 ш.ш. ссутнил -к1интнил ппурттуйн бац1аву дакъа энергиялул щаллу буллан.

3. «Лакрал ДЭП №24 АО-рал генеральный директор Э.М.Сулаймановлул циняв чаранну ккаккан шяраваллал дянивсса ххуллурду к1интнин х1адур бансса ва ххуллурдал нигъач1исса кланттурдайн мик1 кьабакьинсса затру дичин.

4.Лакрал райондалийсса организациярдай ва учреждениерттай каялушиву дуллалиминнал пачру лахъай сезон ххуйну гьан дансса циняв чаранну ккаккан.

5.Образованиелул управлениелул начальник **Я.Х1амзаевлул:**

-2019ш. ноябрданул 1-нин циняв школардайн ва Гъумуксса детсадрин кьянкъа ччуччия (хъуруч1) буч1ан бан.

-террордания бурувчуну бик1ансса ва пожардал нигъач1аву кьадик1ансса ххуллурду ласун.

6.Ва х1укму биттур баврил ялув ац1ан тапшур бан администрациялул бак1чинал заместитель А.И.Къажлаевлуйн.

Ш.Х1.-А.Щурпаев,

«Лакрал район» МР-данул депутатътурал Собраниелул преседатель.

Ю.Х1.Мах1аммадов, «Лакрал район» МР-данул Бак1чи.

1 октябрь - Бугьараминнал кьини

Х1урматгу, аякбагу чан мадари!

Бугьарасса инсантурал кьинилул аьркинссар циняннан дак1нийн бутаван, бугьараминнан кумаг буллан, миннал х1урмат буллан аьркиншиву. Му масъала щала жамьатран, циняннан агьамшиву дусса масъалари. Мунияту ва кьини дунияллийсса агъалинал к1иц1лагайссар 1991 шиня байбихъуну.



Угьарасса инсаннал кьини гьрца к1анай к1иц1лагай октябрданул 1-ний. Му ч1ун х1азран лич1и дурну дакъар - му дур мурхьирдай ч1ап1ив хъахъи лавгсса мусийл ссутлил ч1ун. Угьарашивугу ккалли дай инсаннал «мусийл ссутлил» ч1унну.

Гъашину щала дунияллий Бугьарасса инсантурал кьини к1иц1лаглай бур 29-чин. Ва кьинилул хъунмур мурад бур дунияллийсса циняв инсантал бугьараминнан хъунадакълакисса зах1матшивуртта къулагъас дуллалли баву. Ва кьинилул цила логотип гума дур - т1ирт1усса ка - хъинбалдарал ва кумаграл символ.

Бугьараминнал кьини к1иц1лаглай байбихъун бур скандинавиянал инсантал. Цахъи х1аллава США-налгу х1укму буну бур пенсионертуран хасъсса кьини лич1и дан. Муният махъ ва кьини к1иц1лаглан бивк1ун бур щала дунияллий. Му ч1умал ООН-далул Генеральный ассамблеялул резолюция итадаркъун дур, ссутнил к1илчинмур зурул цалчинсса кьини - Дунияллул халкъуннал дянивсса бугьараминнал кьинину ккалли дуллаллисса.

Ца шинава т1урча, ООНдалул Генеральный ассамблеялул ккаккан дурну дур щалагу дунияллул организацияллул бугьарасса инсантурал чулукуннайсса аралул къядарду. Ялагу ца шинава мунила ц1акъ дурну дур бугьара шаврил масъаларттайн дагъайсса декларация. Мура ч1умал дунияллий к1иц1 ларгун дур Веналий къамул дурсса бугьара шаврил масъаларттайн дагъайсса Дунияллул халкъуннал дянивсса даурттал план. Му документрал агьаммур мурад - бугьараминнал маэшатрал ва социальный щаллушиндалар гарантиярду дулаву.

1992 шинал т1урча бугьараминнан октябрданул 1-ний х1урматсса кьини к1иц1лагансса х1укму буну бур Аьрасатналгу. Ва тарих к1иц1лаглай т1урча жуч1ава байбихъуну бур Верховный Советрал Президиумрал «О проблемах пожилых людей» т1исса х1укму итабакъайхту.

Октябрданул цалчинмур кьини щала дунияллий жагьилминнан дак1нийн бутаншиврул цала-цала бугьараминнах къулагъас дан аьркиншиву, телевизорданувух ккаккан дайссар социальный реклама, «обьрму цанма щил пишкаш бувсарив дак1нийн бутан» обв1лисса.

Ва кьини хъинссар таттахъач1ан, бавахъач1ан, ниттич1ан, буттач1ан ялун бивну, зунма ми ххирашиву ч1алач1и бан, миннах ц1усса хаварду бусин, миннан х1урмат бан, аякба дан. Ч1ярусса билаятирттай бугьараминнан ва кьини концертру, фестиваллу, выставкарду, т1урк1урду байссар, ми бигъалагансса, бялахъансса давуртту дайсар. Пенсионертал цач1ун бавт1ун, чай х1ач1айссар, хъамалушинна дайссар. Ва кьини бугьараминнал масъалартах, зах1матшивуртта къулагъас дуллаллисса конгрессру, конференциярду байссар.

Хъама мабитаванни бугьарами! Миннан х1урмат булвара! миннаха аякба дувара!

Жула ялун нанисса никиран маз-ка дияйнал лахъхъин буллан аьркинссар хъунанал х1урмат баву - му х1акъсса бурж бушиву...

«Лакрал район» МРданул депутатътурал собраниелул х1укмурду

Миллатирттал проектру щаллу дуллалаврия

26 сентябрь 2019ш. №155 «Лакрал район» МРданул СЖКХ МКУ -рал ва аьмсса заказчикнал къуллугърал директор Рамазанов Юсуп Х1ажидаудул арснал отч1трах вич1идирхъуну ва му ххалдиргъуну, депутатътурал со-

браниелул х1укму бунни: 1.Миллатирттал проектру щаллу дан дуллаллисса давурттури рязи хъунсса ккалли дан. 2. «Комфортная городская среда» программалий 2019 шинал Гъумучи районцентрданий Сурхайханнул ц1анисса кич1ираваллил

инсантал бахътта бачайсса к1анттурду (тротуарду) бакьин буллаллисса давуртту анаварну къуртал дан маслих1ат бан.

3.Шавк1рату Гъувк1равсса ххуллу буллалаву календарьданул 15 гъантлий къуртал дан.

4.Ва х1укму биттур баврил ялув ац1ан тапшур бан СЖКХ МКУ-рал ва аьмсса заказчикнал къуллугърал директор Рамазанов Юсуп Х1ажидаудул арснайн.

«150 школа» т1исса проект «Лакрал район» МР-даний биттур дуллалаврия

26 сентябрь 2019ш. №156 «О ходе реализации проекта «150 школ» т1исса «Лакрал район» МР-данул СЖКХ МКУ-рал ва аьмсса заказчикнал къуллугърал директор Рамазанов Юсуп

Х1ажидаудул арснал отч1трах вич1идирхъуну ва му ххалдиргъуну депутатътурал собраниелул х1укму бунни:

1.»150 школа» т1исса проект бартидигъин дуллаллисса

давуртту рязи хъунсса ккалли дан. (Ч1урттациял ва Ккурккуллал школа).

2.600 дуклаки обьрч1ансса к1анттурду бусса школа гъашину буну къуртал бан маслих1ат бан. Гъумук ц1уну буллаллисса школа - ред.

3.Ва х1укму биттур баврил ялув ац1ан тапшур бан СЖКХ МКУ-рал ва аьмсса заказчикнал къуллугърал директор Рамазанов Юсуп Х1ажидаудул арснайн.

«Гъумучиял сельсовет» МО-рал генеральный план ц1акъ даву

26 сентябрь 2019ш. №157 «Лакрал район» МР-данул СЖКХ МКУ-рал ва аьмсса заказчикнал къуллугърал ди-

ректор Рамаанов Юсуп Х1ажидаудул арснах вич1идирхъуну, депутатътурал собраниелул х1укму бунни:

Лакрал райондалул аьрщи ишла даврил ва шяраваллаву къатри даврил Низам ц1акъ даву

26 сентябрь 2019ш. №158 «Лакрал район» МР-данул СЖКХ МКУ-рал ва аьмсса заказчикнал къуллугърал директорнах вич1идирхъуну, депутатъту-

рал собраниелул х1укму бунни:

Социальный инфраструктуралул ва инсантал яхъанансса къатри дуллалаврил даву низамрай сакин дан-

Социальный инфраструктуралул ва инсантал яхъанансса къатри дуллалаву сакин даншиврул, ц1акъ дан Лакрал райондалул «Гъумучиял сельсовет» муниципал сакиншиндарал генеральный план.

шиврул, ц1акъ дан Лакрал райондалий аьрщи ишла даврил ва шяраваллаву къатри даврил Низам.

Ш.Х1.-А.Шурпаев, «Лакрал район» МР-данул депутатътурал Собрание-лул председател.

Ю.Х1.Мах1аммадов, «Лакрал район» МР-данул Бак1чи.

Лакрал район МР-данул х1укму

АТК-лул ирглийсса бат1аврия

20-мур сентябрь 2019ш. №71-р «Лакрал район» МР-данул ч1асса террорданин къарщисса комиссиялул 2019 шинал пландалул 4-мур бут1а биттур баву мурадрай:

«Лакрал район» МР-данул ч1асса АТК-лул ирглийсса бат1аву дан 2019 шинал ноябрданул 20-ний ссят 11-ний Щардал шяраву.

Террорданин къарщисса комиссиялул ирглийсса бат1авринсса материаллу х1адур даншиврул сакин бан зузи группа (ургу гихунай).

Зузи группалун х1адур дан террорданин къарщисса комиссиялул бат1аврин хасъну дувансса давурттал план.

Зузи группалий каялушиву дуллалиманан 219 шинал ноябрданул 10 хъуннин террорданин къарщисса комиссиялин диян дан ирглийсса бат1аврин х1адур дурсса материаллу.

Ю.Х1.Мах1аммадов, МР-данул бак1чи, «АТК-лул председатель».

АТК-лул бат1авринсса материаллу х1адур дансса группалул сиях1

Къажлаев А.И. - «Лакрал район» МР-данул бак1чинал заместитель, АТК-лул секретарь; Гадаев М.Аь. - «Лакрал район» МР-данул террорданин къарщисса комиссиялул аппаратрал начальник;

Аьлиев М-Х.К. -МВД-лул «Лакский» МО-лул начальникнал к1анайма;

Ибрагъимов М.И. - «шяравалу Щар» муниципал организациялул бак1чи.

Зузи группалий каялушиву дуллалиманан баян бан АТК-лул бат1авринсса х1адуршин-дарая.

«Лакрал район» МР-данул АТК-лул аппарат.

Ц1усса музей т1ивт1унни

Райондалул юбилей дан хьхьич1сса кыни, Гъумуксса паркираву футболлай буккай майдан т1ивт1уну махъ, т1ивт1уна мукунна таварихрал улча лахьхаврил музейгу.

Музей буну бур хьхьич1 оьрчал творчестволул къатри дирк1сса кланай. Райондалул администрациялул бак1чинал заместитель Ансар Къажлаевлул сипталий, шиву бивк1сса ДДТ искусствордал школалул цач1ун буну, вай къатри, райондалул бак1чи Юсуп Мах1аммадовлулгу хьинчул ккавккун, дуллуну дур мукунсса музей бан.

Музей т1ит1ин бавт1уна шагьурдая бивк1сса тамансса А.Къажлаевлул дустал, гьалмагътал, дуклаки оьрч1ру, Гъумук яхъанахъими.

Диялсса шинну хьуну дур ванал ми экспонатру шарда дат1лай, цач1ун дуллай. Утти, ми ч1яру шайхту, къаст дурну дур ми дирхьусса музей сакин бан.

Музей бан дуллусса экспонатитт1аву дур лакрал, Гъумучиял таварих ч1алачли буллалисса ч1ярусса затру ккакканс дирхьуну: ич1ура дирк1сса къай-къуй,


музыкалул инструментру, к1иттуршуннин бивсса суратру ришай аппарату, Совет Союзрал ва аьрасатнал Вирттал хьусса лакрал, мукунна лакрал аьлимтурал, ц1а дурксса инсанту-

рал суратру ва мукунна ч1ярусса цайми затру. Ми дишин музейравун ларсун дия пюрундалул личли-личлисса тахчарду.

Музей т1ит1иннин мунил хьхьич1 ихтилат буллай, Ю.Мах1аммадовлул к1иц1лавгунни, А.Къажлаевлул ч1ярусса шинну хьушиву цала кулпатрацал дат1лай, цач1ун дуллай ц1ана музей-

А.Къажлаевлул бивсунни, ва музей бансса маслихат буну бивк1шиву Ю.Мах1аммадовлул ва барчаллагъ кунни музей бан кумаг буллай ч1арав бавц1сса цинянахъ.

Хьирив бавт1сса цинянал, бивххун, ххал дурни музейраву дирхьусса личли-личлисса, ч1ярусса экспонатру. Райондалул бак1чи-



раву дирхьусса экспонатру. Утти миннахъ хьунмасса барчаллагъ т1ий ушиву, ми инсантуран, хьамаллурангу ххал хьуншиврул, музей буну, цинянан ккаккансса каши дуллай унут1ий.

Хьирив ихтилатру бунни юбилейрайн шагьрулия бивк1сса хьамаллурангу: С.Ильясовлул республикалул бугьарачувтурал советрал председателнал заместитель, Даниял Магьдиевлул, Камалуттин Кьурбановлул.

нал укусса куццуь, музейрал нузру ларкьун къадиклант1ий дур. Шиву дуклаки оьрч1ахъ таварихрал дарсру дихьлай, ч1алачли агитация дуллай, Гъумукун бивк1миннацалгу, шяраву, райондальминнацагу тамаша бан бюхълай, музей цинянан мюнпатну, нузру т1ирт1уну зунт1ий бур.

Тамаша банмур т1урчашиву ч1ярусса дур. Буххияра, ххал дара, къабайкьинт1иссару.

К.Кьурбанов.

Граждан мюхчаншивру - 87 шин

Граждан мюхчаншиву дуруччаврил къуллугърал (ГО) яла хьунмур мурад халкьуннал оьрму, ц1уллу сагъшиву дуруччаву, иш багъний миннан кумагру бавури.

Мунищала, гьарца инсаннан к1улуна бик1ан аьркинссар цува ва цала лагмами балаллухьхьун багъан къабитан аьркиншиву. Балаллухьхьун багъсса ч1умалгу, гьанавиххи къабувккун, иширах бурувгун зана -кьулу хьун.

Граждан обороналун гьашину 87 шин хъанай дур. Мунил инсаннан цуксса кумагру байссар учирча, агъанми бигарду укунссар: нигъач1аву дуний ци бан аьркинсарив халкьуннан бивч1ин баву, муния шайсса заралла баян баву. Лабик1ансса кланттурду баву, противогазру булаву, медициналул кумаг баву, инсантурал къай-къуй тири-хьирин хьун къаритаву, пожардаяту буруччин баву, личли -личлисса азарду сукку хьун къаритаву.

Жула х1укуматрай хьхьич1ва хьхьич1 инсантурал мюхчаншиву дуруччаврил къуллугъ сакин буну бур 1932 шинал октябрданул 4-ний, гьаваллавацца мюхчаншиву дуруччаву мурадрай. Хьун-



дьявилул ч1умал хьуннасса даву дурссар му чулухуннай. Муния махъ 1961 шинал дуну дур СССР-данул граждан оборона. Мунил агъанмий къайгьурдугу укунсса бур: бомбарду бичлайни инсантал лабик1ансса убежищарду баву, инсануруччайсса лаххия даву.

1980-ку шиннардий щалагу дуняллий инсантуран зарал биян байсса ярагъ ч1яву булававрин буну, Чернобыллай авария шайхту 1991 шинал бивсар «Государственный комитет Российской Федерации по делам гражданской обороны, чрезвычайным ситуациям и ликвидации

стихийных бедствий» (ГК ЧС России). Граждан обороналул давугу наниссар Аьрасат Федерациялул 28-мур закондальин чул бившуну. Ц1анакулсса ч1умал жула Республикалийгу бур МЧС-рал управление. Мивун духлахиссар гьарцагу районнайсса отделугу.

ГО ЧС рал отделданул биттур буллалиссар укунсса масъалартту:

-райондальин ГО ЧСрал даврий каялушиву дуллалаву;

-зах1матсса тагьар х1асул шайхту РД-лул МЧС-рал бала апат1ру хьун къабитаврилсва ва бивсса зараллу бухлаган баврилсва байсса идарарттацал зузаву, ялич1ину зах1матсса тагьар х1асул хьун къадитансса ва миннуя биян бюхъайсса зараллу бюхъайсаксса чан бансса давуртту даву;

ялич1ину зараллу бивсса ч1умал ишла дансса къайкьуйлул луртан дишаву ва ми салкьки даврил ялув бац1аву.

Му бакъассагу, отделданул т1айла буккайссар райондалул идарарттай, организациардай каялушиву дуллалими, шяраваллал ад-

министрациярал бак1читал, дуккавриха, медициналуха узимий Республикалул УМЦ ГО ЧС-рал курсирдайн. 12-14 инсан дуклан

т1айла буккайссар, гьарца шинал.

Н.Х1асанов,
«ЕЕДС» МКУ-рал
начальник.

Спорт

Зоналий 1-мур к1ану

Сентябрданул 26-29-ний Ахъушав хьунни боксрай буккаврил республикалул зунтгалмур зоналул 2-мур турнир. Му дурну дия дуняллул чемпион шамила хьусса, Олимпиадалул ччаллайгу призрайн лайкь хьусса спортрал лайкьсса мастер Маждов Мах1аммад-Расул Юсуплул арснал призирттан лайкь хьун.



Жула райондальин му турнирданий гьуртту хьун лавгссия оьрч1ал -ч1авагагьилтурал спортрал школалин заназисса Булгани Т1агьиров, 2003 шинал увсса.

56 килограммрайн дияннинсса к1ушиву думиннал категориялул турнирданий гьуртту хьуну, Б.Т1агьировлул бивгьунни 1-мур к1ану!

Барча уллай буру Булгани ва хьхьич1унсса к1ану бугьаврицал. Ч1ат1ий буру гихуннайгу ваниялгу ларайсса ххувшивуртту!

С.Рамазанов, ДЮСШ-лул директор.

Паркираву - цIушинна

Уттигъанну Гъумук бигъалагай паркираву ххи хъунни цIусса физкультура дай кIану. Гъумуксса оьрчIан, жагьилтуран му кIану цала арцух бувну, пиш-каш бувну бур Шамил Аьлиевлул.

Ва физкультура дай майдан хъунмасса бакъар. Хъунмасса бансса кIанугу паркираву бакъар. Амма, шикку дур инсаннал чурххал гъарца базулун аьркинсса упражнениерду буллансса сант.

Ванийн - мюрщи оьрчIан бувсса площадка учингу къабучIир. Цанчирча, шикку физкультуралул упражнениерду буллан буюхансар мюрщи оьрчIацагу, чIава жагьилтурацагу, хIатта-хъуниминнацагу. Хъунсар ччарча кIюрххил бувкун, зарядка дуллан, ччарча -кьунниллай бувкIун, бювчIунбиширдайн гуж багъансса тренировка дуллан. Шикку дур каруннай зурчIай тIий, кIункIу хъанансацагу, ччанну гъаз буллай, «пресс» лякьлул бювчIунбишив цIакъ буллансацагу, ччаннал мицIру бахчин бувну, чурх гъаз буллансацагу, цайми личIи -личIисса упражнениерду буллансацагу сант дусса, ччарча уттубивхъуну, ччарча щябивкIуну, ччарча бавцIуну, ччарча зурчIай тIий - гъарца журалий чурххал циняв бювчIунби-



шив цIакъ буллансса муххал ттарцIру, хахру. Лувгу -саргъунну ххуйсса ххячIив (плитка) дирхъусса марцIсса щялу.

На урувгсса чIумал, шикку чIалай бия мюрщи оьрчIру бувцун бувкIсса нину-ппугу, цивппалу бувкIсса мюрщи

оьрчIругу, лавайми клас-сирттаву дуклакимиугу.

ТIайлассар, кIинттул марххала байхту, шикку упражнениерду буллан сан къадикIансар. Мунияту, ххуйну хъунссия ва площадкалул ялув магъи диширча. Буюхай, гихунмай паркира-

вусса лагмавацца ххуллугу, лечлан буюхансса куццуй бакъин бувну (цIана муний ххюл буну, лечлан буюхлай бакъар), левчуну гъили лагайхту, шикку кIинттулгу

упражнениерду, гимнастика дуллан магъигу дирхъуну, оьрчIал ва хъуниминнал цIуллушиву цIакъ дуллансса сант ххи хъун, щала паркираву къулайшиннарду ххуй хъун. Хъинсса дайдихъулун - ххуйсса ахир хъуннав!

Жул корр.

Семинар - совещаниелин Шамилкъалалив

Сентябрьданул 26-ний Унцукуллал райондалийсса Шамилкъала шяраву хъунни зунттал округрайсса зоналул семинар - совещание «Совершенствование форм и методов организации патриотической работы с педагогами и родителями обучающихся в образовательных организациях».



Семинар - совещание дурна шамилкъалаллал школай. Муний гьуртту хъанай бия РД-лул образованиелул ва элмулул Министерстволул жамятийсса организациерттал вакилтал, Аьрасатнал дуклаки оьрчIал суккушинналул ва образованиелул учреждениерттай дуклакминнан буттал кIану ххирашиврул тарбия дулаврил ялув бавцIуми, СОШирдал директортал, тарбиялул даву

дачин дайсса директортулал заместительтал, социальный педагогтал, районнайсса школардал психологтал ва м.ц.

Жула райондалия семинар -совещаниелин лавгуна образованиелул управлениелул методист ТIагьир Акаев, Карашрал школалул директор Эмир ХанмаIаммадов, Гъумучиял школалул директорнал заместитель Зухра Кьурбанова ва социолог

СултанпатIимат Къадиева, ГъунчIукъатрал школалул директорнал заместитель ПатIима Хинчалова.

Совещание дайдишиннин, Шамилкъалаллал школалул дуклаки оьрчIал ккаккан дурна литературалул -музыкалул композиция «Все о тебе, моя Россия».

М.Аьлиджанов, Дагъусттаннал образование лядуккан даврил институтрал ректор ХI.Жамалуттинов, УнцIукуллал райондалул бакIчиннал зам. А-М.МахIаммадов. Миннал ихтилату бувна укунсса темардайн багъайсса: «Роль общественных движений и объединений в системе патриотического воспитания молодежи», «Направления работы в системе развития патриотического воспитания на современном этапе». Мукунма, ихтилату бувминнал барчаллагъ укуна семинар совещание сакин дурминнахъ, райондалий ка-ялушиву дуллалиминнахъ, гьуртту хъун бувкIсса циняр районнал вакилтурахъ.

Хъириг циняв лавгуна мастер-классру буллалисса кабинетирттавул.

Жула райондалия лавгми гьуртту хъунни туризмалул мастер -классраву. Мунил тема дия «Детский туризм в системе военно-патриотического воспитания». Му бачин бувну ия оьрчIал -чIава жагьилтурал туризмалул ва экскурсиярттал Станциялул педагог Ш.НурмаIаммадов.

Семинар -совещаниелий дия творчестволул проектирдал выставкарду. Цинянан тIивтIуна дукиярду дусса стол. Ахирданийгу семинар -совещаниелий гьуртту хъусса цинянан тапшур дурни дакIний личIансса бахшишру.

Учредитель:
Администрация
МР «Лакский район».
Учредитель:
«Лакрал район»
МР-далул
администрация

Главный редактор
М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора
Р. И. Джалаева
Тех. редактор
А. М.-Р. Абакаров

Адрес редакции, издателя:
368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана и сверстана на компьютерной базе редакции газеты «Заря» и отпечатана в ГАУРД «Издательский дом» «Дагестан»
Адрес:
г. Махачкала,
пр. Насрутдинова, 61.

Срок подписания в печать 17.00
Подписано в 16.00

Газета выходит в неделю 1 раз.
Тираж 702 экз.
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 22 августа 2017 г.

Регистрационный ПИ № ТУ05-00385

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов.